



№ 20 (1342) ოქტომბერი 1970

ნახ. ჯ. ლოლუასი

სიხნა

ბაგოტაძის 47-ე ფაქტორია ფაქტორია 20 ქაა.

გთველი თბილისში



ვაჩის თავგადასავალი

— მოდით ასე შევთანხმდეთ, ყოველ პარასკევს ჩემთან მოხვალთ და საპურმარტილოდ წამიყვანთ! — ეუბნება უფროსი ვაჩის.

— მღუპავთ, ბატონო? თქვენ კვირაში შვიდი პარასკევი გაქვთ! — ეუბნება ვაჩი.

— : —

— რამდენ წელს მომცემ? — ეკითხება ერთი ქალი ვაჩის.

— მაცალე, დაგამთავრო იურიდიული! — პასუხობს ვაჩი.

— : —

ვაჩიმ ერთხანს ფოტოგრაფობა დაიწყო, გასხნა ატელიე და შესასვლელში ასეთი წარწერა გააკეთებინა: „იცან შენი თავი“.

— : —

— რატომ გაქრა საავტოო წერტილებში წარ-

წერა: „მოითხოვეთ ხურდა“? — ეკითხებიან ვაჩის.

— ხალხმა პირდაპირ რომ არ გაიგოს და მართლა არ მოითხოვოს. ხურდა! — ეუბნება ვაჩი.

— : —

— პიესის დასაწერად ხელშეკრულება დაედო და ავანსად მხოლოდ ორმოცი პროცენტი მომცეს! — შესჩივლა ნაცნობმა დრამატურგმა ვაჩის.

— ადვილ შენც და დამემუქრე, თუ მთლიანად არ მომცემთ, მართლა დაგწერ-თქო პიესას! — დაარიგა ვაჩიმ.

ქვირი ხე

იყიდება ხის ჩარჩოში ჩასმული სურათი.

— რა ღირს? — ეკითხება ვაჩი მხატვარს.

— ასი მანეთი.

— ასე გაძვირდა ხის მასალა? — იკითხა ვაჩიმ.

ერთი წუთით...

— თუ შეიძლება სუთი წუთით შემოიარეთ მილიციაში! — უთხრა მილიციელმა ვაჩის.

— ვიცი, თქვენი სუთი წუთი შეიძლება სუთ წლამდე გაგრძელდეს, — უპასუხა ვაჩიმ.

გიგა მანხილაძე

— ცხვირის ღმერთმა და მამაშვიტეირმა გამჩენა... ბოროტი აღამიანი და მისი ვაჩენა. — მუხრანის შვილივით ნაზარდ ცხენს რაზე მპარებენ? — აკრძალა მფოთრებით წამოიძახა სახლში შესვლისას ვაჩი. — გაბეღია და ბოლმა ამოანთხნია.

— ვაჩი, რა ხმა შეიტყო თუ არა ცხენის მობარვის ამბავი, გარეთ გამოცვივდნენ და კვილი მორთეს. თან წყველა-კრულვით იხსენიებდნენ ცხენის მომპარავს.

ყვირილზე მეზობლები გამოცვივდნენ და ჯუმბერ გაბელიას ეზოს მიაღწენენ. ჯუმბერი ყველას უჩვენებდა დანით გადაჭრილ თოქსს.

— ცის გაუგია მეგრული კაცისათვის ცხენის მოპარვა! — წამოიძახა ერთმა მეზობელმა.

— შინაური ამას არ იზამდა, ეს გარეშე ქურდია. — დაუმატა მეორემ.

— არც შინაურია გამორიცხული ამ საქმიდან! — წამოიძახა ბრახმორეულმა ჯუმბერმა და ექვის თვალით გადახედა იქ მისულ მეზობლებს.

— ტყუილად ნუ ჩადგები ნურავის ცოლვაში, ახლავე მიმართე ხელისუფლების ორგანოებს, ვასაჩივრე! — ურჩია ერთმა მეზობელმა.

— არა, ბატონო, უკეთესია მკითხავს მივმართოთ, ნუ ჩაურევთ ხელისუფლებას. მკითხავე ზუსტად გვეტყვის ცხენის მომპარავს. — წამოაყენა თავისი მოსაზრება მეზობელმა შ. გაბელიამ.

— რა ღროს მარჩიელია, სად არის ისეთი მკითხავი, ზუსტად დაგისახლოს ქურდი? — უიმედოდ ჩაილაპარაკა ჯუმბერმა.

— სად და კასპის რაიონის სოფ. ყარაღაჯში. ყარაღაჯელი სონა არ გაგიგონიათ, მთელს დუნიაზე ცნობილია.

— ყარაღაჯელი სონა ხომ მოკვდა?! — იკითხა ერთმა საქმეში ჩახედულმა.

— სონა მოკვდა, მაგრამ, მაღლობა ღმერთს, ამ საქმეს აგრძელებს მისი ქალიშვილი ვარსენიკა — სონა II... — დაუმატა ვილაცამ.

დიდი ბუბა გაიმართა აბაშის რაიონის სოფ. ნოვოგონაში. გადაწყდა. დაზარალებული ჯუმბერ გაბელია და მისი მეზობელი ვახტანგ გაბელია სამგზავროდ გაემზადნენ. აბაშიდან წარგზავნილები მეორე დღეს დრლაადრიან სოფელ ყარაღაჯში ჩავიდნენ და კითხვა-კითხვით მიაღწენენ მკითხავის — ვარსენიკა (ვალა) გაბრიელის ასულ ქვირიშვილის სახლს. მკითხავს უხმეს. ვარსენიკა გარეთ გამოვიდა და შეეგება სტუმრებს.

— ვინ ბრძანდებით, რა გნებავთ? — შეეკითხა მათ ვარსენიკა.


— ვასაჭირი გვაქვს, ქალბატონო, უნდა მოგვეხმარო. — მორიდებით მიმართეს კლიენტებმა.

— განა ვერ ვატყობ, გემჩნევთ რალაცას დაკარგვით ან ვიღაც რალაცას მოგპარავდათ! — მიმართა მკითხავმა.

— გადავირევი ახლა, სწორედ ეგრეა, ქალბატონო! — სიხარულით წამოიძახა ჯუმბერმა. — ხედავ, რა ხელად გაიგო ჩვენი ვასაჭირი, ნამდვილად გულთმისანია... ეს თუ მამოვინებებს ჩემს ლაფშას! — ვერ დაფარა სიხარული.

— შენ ცხენი მოგპარეს... — გაღმობარგმნა „ლაფშა“ ქართულად ვარსენიკამ.

სტუმრები სიხარულით შეყვენენ სახლში და გაცეხით ეჩურჩულებოდნენ ერთიმეორეს: საიდან იცის, რომ ცხენი მომპარეს? თუკი ეს გაიგო, ქურდსაც ადვილად მივავანებინებ.



— ერთი თუმნიანი დაღეთ ამ ხელსაგულზე და ჩაითქვით ვინმე, ვინედაც ექვი გაქვთ. — უთხრა ვარსენიკამ.

ჯუმბერ გაბელიამ მკითხავს წითელი თუმნიანი დაულო ხელსაგულზე.

— ავე თქვენი ლაფშა, ვხედავ, ნუ გეშინიათ, შორს არ არის წაყვანილი. დაელოდეთ ორ-სამ დღეს და თვითონ მოვა სახლში. თუ თავის ფეხით არ მოვიდეს, მაშინ წადით ნატანებში. თუ იქაც ვერ ნახოთ, იმერეთში, კახეთში, ან აფხაზეთში ეძებეთ. ვთქვათ, იქაც არ აღმოჩნდა... მაშინ მეზობლებზე იფიქრეთ!

— რომელ მეზობელზე ვიფიქრო, რომელია ჩემი ცხენის ქურდი? — შეეკითხა ჯუმბერი, კბილები გააკრაქუნა და ყურის მეზობელს თვალები დაუბრიალა.

— მე რას მიყურებ, შეეცადე, ჩემზე ხომ არ უთქვამს!

— ქურდი თქვენსავე სოფელშია. თქვენს სოფელში ცხოვრობენ თუ არა გრიშა, გურამი, დათო, ვანო, ალექსი, ან ევტახი? — ჩამოუთვალა სახელები მკითხავმა.


ჯუმბერმა გადახედა ვახტანგს და სახეზე ტუჩი აუციმციმდა, თითქოს რალაცის თქმა უნდოდა, მაგრამ ისევ მკითხავი ჩაერია ლაპარაკში:

— რაო, გენიშნა?


— გრიშა და ევტახი არავენ გყავს, მაგრამ გურამი და დათუნა ჩემი მეზობლები არიან...

დედასბიჭი

დედაჩემმა სახლში გახსნა „საგანგებო სესია“, ნათესავებს დაუძახა ყველას, როგორც წესია. მამაჩემმა წარბი შეკრა, (მცოდნეა და ნაკითხი) დღის წესრიგში შეიგანა მხოლოდ ერთი საკითხი: — ვაჟიშვილი უცოლოშვილოდ სიბერეში წავიდა! — სარძლო მე მყავს არჩეული! — აქაქანდა მამიდა. — მეც მაღირსე შვილიშვილი, რა მოხდება, რა იყო!? დედაჩემმაც მთხოვა ეს და იავნანა დაიწყო. ყველა ერთად დამესია, მოყვარე და მძახალი, მასლას, საპატარძლოები გაჩნდა თავზესაყარი. ვერ გავუძელ შემოტევებს, მეც დავყარე ფარხალი, მაგრამ ამ დროს მეზობლისას აგყდა აყალმაყალი. „ვინ ვარ შენთვის?! მეუღლე თუ შინამოსამსახურე, მე შენ გეგყვი სხვა ქმრებივით ჩამაცვი და დამხურე! თუკი რამე გვაბადია, უმადლოდ ნამზითევს, რაც შენთან ვარ, მხოლოდ ერთი ზამთრის პალტო გავცვიო! ქმარმა წინდა ვერ უყიდოს დედისერთა გოგონას?! ფუი, ამგვარ განათლებას, ამგვარ პედაგოგობას. როდემდე გასურს ვაჟბავონო, მამაჩემმა გარჩინოს?! რაგომ გინდა რომ ჩამორჩე შენს მეზობელ საჩინოს?! გეოლოგი იყო, მაგრამ სამადნოსთან მისვლამდე ბაზრის დირექტორად დადგა, ფულეში ზის კისრამდე! შენ სამადლოდ მოგცეს ბინა, სხვისი გამონაცვალი, თავის დროზე არც გაზია, არც შუქი და არც წყალი! კაცმა რომ თქვას, არ გაკლია არც ცოდნა და არც ნიჭი, შენც გადადგი ცხოვრებაში „გონივრული“ ნაბიჯი! სკოლას სულ რომ ჩამოშორდე, მერე ვითომ რა გიშავს? ნახე ვინმე მაღლიანი, ფერმის გამგედ გაგიშვას! რაიონი მაინც სხვაა, ანგარიში ქე იცი, ჩემს პალტოსაც ეშველება და შენც ჰაერს შეიცვლი! აბა, სხვა რა სიკვდილს უცდი, შენ დაგეწვას აკვანი!“ ესა სიტყვა და ძირს რაღაცამ მოადინა ბრაგვანი. მე არ ვიცი რით დამთავრდა ცოლ-ქმარს შორის განგაში, მხოლოდ ეს ვთქვი, მგერი იქნა სულ შიშსა და კანკალში. ვთქვი და დაოჯახებაზე გადაჭრით ვთქვი უარი, დე, მკითხველმა გარჩიოს მართალი და მგყუანი.




სარგო აპიოვილი



მ1-2

— რა გვარებია?
 — ჩემი სახლიკაცები არიან...
 — ვგრეც ვფიქრობდი, სწორედ დავმთხვავე ჩემს ჩანაფიქრს... წადით და გურამსა და დათუნას მოჰკითხეთ თქვენი ცხენის გზა-კვალი. — ასეთი გადაწყვეტილება მიიღო ბრძენმა მკითხავმა.
 ჯუმბერი და ვახტანგი სრული დაიმედებულები დაბრუნდნენ სოფ. ნოგოხაშში.
 — რა ჰქენით, რა გირჩიათ მკითხავმა? — შეეკითხა მამია გაბელია.
 — ცხენის კვალს გურამსა და დათუნასთან მივყავართ... ასეთია მკითხავის აზრი. ეს აზრი უტყუარი და მტკიცეა, როგორც ბეჭედისაშული ცნობა, — უთხრა ჯუმბერმა და შემდეგ განაგრძო: — ახლა მიდი და მე ვაუბატონებთ გადაეცი, ორ დღეში მომგვარონ, თორემ საქმე კარგად არ წაუვათ.
 მამია გაბელიამ სიტყვა-სიტყვით გადასცა ჯუმბერის დანაბარები, როგორც ერთს, ისე მეორეს და ისიც დაუმატა, რომ მკითხავის სიტყვას წყალი არ გაუვათ.
 გურამს და დათოს ელდა ეცათ ამის გავგონებაზე და უმაღლეს სახლში მიუვარდნენ ჯუმბერ გაბელიას. ეს ამბავი მთელ სოფელს მოედო და შეიქმნა ერთი მითქმა-მოთქმა.
 — რას გვემართლებით, რისთვის გვწამებთ ქურ-

დობას! — ცეცხლებს ყრიდნენ პირიდან დათო და გურამი.
 — მე რას მიყვირით, აგერ ვახტანგ გაბელიას ჰკითხეთ, რა თქვა მკითხავმა...
 — წყალი არ გაუვა! — დამოწმა ვახტანგი.
 — წამოდით ყარაღაში, გვიჩვენეთ ის ჩვენი ცოდვით საცე ქალი და ჩვენი თანდასწრებით ათქმევინეთ ყველაფერი, თორემ პასუხს გავებინებთ ასეთი შეურაცხყოფისათვის! — გამწარებით გაიძახოდნენ დათო და გურამი. ვარსენიკას ყარაღაში მთელი ამაღა მიადგა სამეგრელოდან.
 — შენა ხარ ჩვენი თავისმომჭრელი? რა საბუთით გვაბრალებ ცხენის ქურდობას?!
 — რას ამბობთ ქა! მე კი არა, თვითონ თქვენ ჩაუთქვით მგაათი სახელები და ახლა მე მაბრალებთ?! — დაიხია უკან სონა II-მ.
 — რაღა ჩვენი სახელები მოგადგა ენაზე, შექალო, რაზე მოგვჭერი თავი საქვეყნოდ?! — უყვიროდა გურამი.
 — მარტო თქვენი სახელები კი არა, სხვა სახელებიც ბევრი დავასახელე. მამ რა, უსახელო ხომ არ იქნებოდა ცხენის ქურდი. აბა, რის მარჩიელი ვარ, თუ რამე არ ვერჩიე... რა ვქნა, ასეა, ამ ქვეყანას რამდენი ჰქუაზე მწყრალი ჰყავს... ხომ გავიგონიათ — სულელი ფანტაცს და ჰქვიანი კი კრეფსო.
 ...ძველი ამბავი არ გეგონოთ... ეს ფაქტი სულ ახლახან, რამდენიმე კვირის წინ მოხდა აბაშის რაიონის სოფ. ნოგოხაშში, როგორც ჩანს, დღესაც მარჩიელე-ბით წყვეტენ სისხლის სამართლის საქმეებს.
 ცხენის ქურდი კი კვდება სიცილით.



სტიტყვოდ.



— რა პროზილით გსურთ მუშაობა?
— მე ისეთი პროზილი მაქვს, ყველგან გამოვდგები.

ოთახიდან ყვირილი ისმოდა. ერთი ყვიროდა, მეორე აწყნარებდა. ხანდახან ისიც უმალლებდა ხმას.

— ბოლოს და ბოლოს, გაიძულებთ!..

— რას მაიძულებ, რაღა უნდა მიყო, ცხოვრება ისედაც მოწამლული მაქვს.

ოთახში ორი მამაკაცი მიჯდომოდა მაგიდას. ერთს მკაცრი, ოფიციალური გამომეტყველება ჰქონდა, გამართულად იჯდა. მეორე გადათხლეშლიყო სკამზე, სახე არეოდა და უთავბოლოდ ყვიროდა.

— კი მაგრამ, რას გავს ეს, ქალის ცემა ვანა შეიძლება, ისიც შუა ხნის ქალის, ისიც მეუღლის?... — ტუქსავდა მკაცრი მამაკაცი.

— აბა, მაგან უნდა მომისბოს სიცოცხლე... — და სახერეულმა მამაკაცმა საკმაოდ უხეში გამოთქმა იხმარა.

— აბა კი კმარა. მე თქვენ გიჩვენებო!.. — ფეხზე წამოიჭრა მკაცრი მამაკაცი.

— შენ რა უნდა მიჩვენო.

— მე თქვენი შენ არა ვარ.

— კარგი ერთი, თუ ძმა ხარ! თქვენობა კი არა, ჭკუაზე რომ ვარ, არ გიკვირს?

— ამას თუ ჭკუაზე ყოფნა ქვია, საკითხავია. — ჩაილაპარაკა მკაცრმა მამაკაცმა და ჩაეძინა, — კი მაგრამ, გამარჯვებ, თუ კაცი ხარ, რა მოხდა ასეთი?

— ამაზე მეტი რა უნდა მომხდარიყო... — ირონიულად ჩაეცინა სახეშეშლილს. — მე, ძმაო, ათას ზვრელში ვძვრები, წელებზე ფეხს ვიდგამ ფული რომ ვიმოვო. ორი სახლი ავაშენე. მანქანა მყავს. ავარაკი — ზღვისპირას. ხუთი შვილი ფუფუნებაში... მეტი რაღა უნდა?

— კი მაგრამ, თქვენს მეუღლეს წვლილი თუ მიუძღვის შვილების აღზრდაში?

— წვლილი?... წვლილი კი არა, სულ მაგან გაზარდა და აღამიანებად აქცია. მე ან ფულის საშოვნელად დავდივარ, ან რესტორანში ვარ.

— აბა, რაღა უნდა გეჩვენო?
— რას ქვია რა ვიცი, უკმაგისი, ეს შექვეყნულ გამოქვეყნებულ უკვე, მერე რამდენს ვაფრთხილებ! — აყვირდა ისევ სახერეულში.

— მოითმინეთ, თქვენ უკვე მეოთხედ შეახებ ხელი.

— მეოთხედ კი არა, უნდა მოვკლა. ავევი არ აქლია, ტელევიზორები, მაგნიტოფონები, კინოაპარატები, მაცივარი ოთხი აქვს. უნდა დავამტერო ის მაცივრები, დავლეწავ! — მაცივრის ხსენებაზე, რატომღაც, მთლად გადაიარა ისედაც გაღარეული მამაკაცი.

— თქვენ რა, ექვიანობთ? — ცბიერად შეეკითხა მკაცრი პიროვნება და ისე გაიღიმა, თითქოს უკვე ყველაფერს მიხვდაო.

— ეექვიანობ? ვინ წაიყვანს მაგ დავებულს. ეგ რომ წესიერი ოჯახის შვილი არ ყოფილიყო, ზრდილი, განათლებული, ოჯახის ბურჯი... როგორ შემოგუშვებდი სახლში?!

— აბა რაზე ანგრეთ ოჯახს? — დაიბნა მკაცრი პიროვნება.

— რაზე, ძმაო, და... მე მიყვარს ლული. საქმელს სახლში არა ვქამ. მაგათ თავზესაყრელი აქვთ. ხანდახან მაინც მიწვევს სახლში მისვლა. რამდენჯერ გავაგზავნი სახლში ერთ ყუთ ჩხურ ლულს, იმდენს დავიბარებ წყალში გამოცივოს.. ის ჩემი ცოდვით მასვე ცოლი კი მაინცდამაინც მაცივარში შეყრის ბოთლებს. მივალ სახლში და ვლევ ყველაფერს... ამაზე რაღა იტყვიო?!

და მან კვლავ განაგრძო გულამოსკენით ჩივილი. სახე ხან აელეწებოდა, რისხვით აენთებოდა, ხან კი სასოწარკვეთაში ვარდებოდა და მთლად გაუბედურებულ კაცს ემსგავსებოდა...

— რა მაცივარი, რის მაცივარი?! მილიონჯერ ვთხოვე, ჩააწყოს წყალში, რა იქნება, ა?

გამომიებალელი ვაოცებულ მიშტერებოდა და მაგიდის ქვეშ თითებს იმტვრევდა.

ედიოზარ ბიორბაძე

სუკიაში კორექტსებ

მიიღეთ წრფელი სალამი ყოფილი სტუდენტისაგან, მე ის ვარ, წელიწადში რომ ვერ გაბარებდით ერთ საგანს. უპირველესად ყოვლისა, გისურვებთ ყოფნას ჩემსავით, საცოდავ სტუდენტს მეძახდით, ვცხოვრობ კი ხელმწიფესავით. ძლივს გაიმეტეთ დიპლომი, მეუბნებოდით: სუსტი ხარ! ღმერთმა ჩემსავით ძლიერი, თქვენაც გამყოფათ სულ დიდხანს. დღეს თქვენი წონა ფული მაქვს, ადგილს მივაგენ მაღლიანს, ჭამა, სმა, ჩაცმა, დახურვა დედის რძესავით მარგია. რა თავში ვიხლი, რად მინდა მორფოლოგია, სინტაქსი? შავი, ცინცხალი „ვოლგა“ მყავს, მაინც მაკითხავს შინ ტაქსი.

ბინა მაქვს, კიდევ მივიღებ, არც ვიშლი და არც სხვას ვუშლი, ერთ სახლსაც იქ წამოვიჭიმავ, მშობლიურ ადგილ-მამულში. ფულით მიცნობენ სუყველგან, (უფულო კაცი ვის უნდა). საგზურებს რჩევით მაძლევენ, გაგრა მინდა თუ „ბიკუნდა“. ნეტავი ერთი განახათ, რა ჯანი მაქვს და რა მადლა... და როგორც წესი, ქეფში ვარ შეუცვლელი თამადა. ქუჩაში ისე მივდივარ, ვით მბრძანებელი ტყის — ლომი, ჯიბეში ადგილს იკავებს, უკან წაიღეთ დიპლომი!

პანო ცინცაძე

ნაკვესი ქარაგმების გარეშე

ლაგოდეანის მოძრა-მექანიზებული № 17 კოლონის სამუშაოთა მწარმოებელმა — **იმბურგ სისვაძემ**, რომელმაც კოლონიდან 8910 მანეთის სამშენებლო მასალა მიითვისა, თქვა: მე სახლს ვაშენებ და სახლი მე მაშენებსო.

* * *

ადიგანის რაიონის სოფელ კახარეთის მცხოვრები **შოთა ნარიაშვილი** სასპეკულანტოდ შეძენილ 1878 კილოგრამ ვაშლს ქალაქ ერევანში უნამუსოდ ასაღებდა, თავს კი — ნამუსიანად.

* * *

ბორჯომის რაიონის გუჯარეთის საბჭოთა მეურნეობის მუშაკებმა — **გ. ძირტკბილაშვილმა**, **გ. დეკანოზიძემ**, **ა. ბოგიშვილმა** და **ვ. ტურაშვილმა** მდინარე გუჯარეთს მომწამვლელი ნივთიერებითა და თევზსაჭერი იარაღებით დატვირთული მანქანა მიიყენეს... სახელმწიფოს კი — 724 მანეთის ზარალი.

* * *

თეთრწყაროში იკითხეს: გეგმით 1968 წელს დასამთავრებელ სტადიონზე თუ თამაშობენო და... როგორ არა, მშენებლებო.

* * *

ვანელმა ბრაკონიერებმა — **ლეო ღვინერიძემ**, **ელაშერ ხურციძემ** და **ამირან დადუნაშვილმა** განაცხადეს: ჩვენ თევზი დავიჭირეთ და თევზმა ჩვენ დაგვიჭირათ.

* * *

საქართველოს ყრუმუნჯთა საზოგადოების გორის სასწავლო-საწარმოო წამოწყების მექანიკური სამქროს ბრიგადირი იოსებ ჯანაშვილი ისეთი ღონიერი იყო, რომ რუსეთიდან 120 ტონა უფაქტურო თუნუქი შემოვიდა.

გაიოზ შავერვაშვილი

ეს ნახატები ეკუთვნის ეროვნული სატირული გრაფიკის პიონერს — **ვახტანგ კილაძეს**. რადგან ჩვენს ჟურნალს მანდილოსნებიც კითხულობენ, ამ უძველესი ქართველი კარიკატურისტის ასაკის გამქდავენებაზე თავს ვიკავებთ. მისი სატირული ალბომი კი ზუსტად 70 წლისაა.



— გაიგებს, კლატონირ. განცხადებებს არ იღებ-სო, და ამ ყუთით მოგართვას.

ყველაზე უფრო იყოსი

ქალბატონი დაიკე კინოში მის უკან მჯდომ მაყურებელს მიუგოდა:

— ჩემი შლახის ფრთები ყურებას ხომ არ გიშლით?

— არა, გეთყვია, — დაამოვიდა მან, — უკვე წავაჭერი და ახლა მშვენივრად ვნებავ.

* * *

ცოლი: როგორ გყოფნის გამბედაობა, სახეში რომ მიყურებ?

ქმარი: რას იზამ, კაცი ყველაფერს ერევა.

* * *

ექიმმა პაციენტი დიდხანს სინჯა და ბოლოს თქვა: — ჯერ კიდევ ვერ შევძელი თქვენი ავადმყოფობის ზუსტად დადგენა. ალბათ ალკოჰოლის ბრალია. — არა უშავს რა, ექიმო, როცა ფხიზელი იქნებით, მაშინ მოვალ.

* * *

მოთმინებიდან გამოსულმა მოქალაქემ გლეგონის ჯიხურის კარი გამოადო და შიგ მყოფ კაცს მიმართა:

— კიდევ დიდხანს ილაპარაკებთ?

— მე ჯერ ერთი სიგყვის თქმა არ მომისწრია, ცოლს ველაპარაკები, — მიუგო მან.

გერმანულიდან თარგმნა შ. ამირანაშვილმა



რესტორან „სამიას“ ცოცხალი რეკლამა



მთავარი რედაქტორი: ნოდარ ლუმაბაძე

სარედაქციო კოლეგია:

ზ. გოლგვაძე (პ/მზ. მდივანი),
ს. კალაშვილი,
ნ. მაღალაშვილი,
ბ. ნიშნიანიძე (მთავ. რედ. მოადგილე),
ნ. შველიძე,
ო. ჭელიძე.

საბირისა და იუმორის შურნალი „ნიანგი“.

თბილისი, რუსთაველი: პროსპექტი № 42.

Тбилиси, Сатирико-юмористический журнал «Нианги».

ბელ. რედაქტორის 99-76-69, რედ. მოადგილის 93-49-32.

საერთო განყოფილების 93-10-78.

საქ. კვ. ც. -ის გამომცემლობა. ИЗДАТЕЛЬСТВО ЦК КП ГРУЗИИ.

გადაცემა ასაწივად 10/ X-70 წ.

ხელმოწერილია დასაბეჭდად 8/X-70 წ.

მაღალის ზომა 70x108¹/₈.

ფიზიკური ნაბეჭდი ფურცელი 1,

ჰირობითი ნაბეჭდი ფურცელი 1,4.

საქ. კვ. ც. -ის გამომცემლობის სტამბა, თბილისი, ლენინის ქ. № 14.

ТИПОГРАФИЯ ИЗД-ВА ПК КП ГРУЗИИ

ГБИЛИСИ, УЛ. ЛЕНИНА № 14

შპკ. № 2699.

შე № 02199

ბირაჟი 120.600.



КОНТРОЛЬНЫЕ ЭКЗЕМПЛЯРЫ

1
1970

70-668


ИНДЕКС 76137

ეროვნული
ბიბლიოთეკა



ამერიკა კვლავ უზვად ამარაგებს ისრაელს „ფანტომის“ ტიპის თვითმფრინავებით.

„ფანტომ“-ის ახალი სერია!



ნ.ს. ბ. ლომიძისა